

Guangjisi Minzcu Bau

ganbhau: CN45-0036 B.2013 Nd.2 Ng.20 liggaauq gveiqceih nienz ndwencieng cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3061期

Bahmaj:

Faen Roek Yamq Gaihcanj Vahcuengh Denswija Gunghcoz

巴马:六步骤开展壮语资源电子化工作

Bi' gvaq 6 nyied daengz 12 nyied, Bahmaj Yauzcuz Swciyen cujciz gaihcanj soucomz Vahcuengh fanghyenz yijyinh swliu, gensez ndei yijyenz swhyenz miz sing sugigu, neix hawj baezlaeng haeujaeg yenzgiu nem mizyauq haifat leihyung engq fuengbienh, henhoh minzcu yijyenz vwnzva yizcanj.

It dwg bienguh 《Bahmaj Vahcuengh Yijyinh Soucomz Sawloih》. Gaengawq Vahcuengh yinhcezwz, swczuj faenloih, ciuq dungswz, hingz-yungzswz daengj Vahcuengh yijyinh

soucomz sawloih. Ngeih dwg dingh giz diucaz nem boux ciepsouh diucaz. Dingh 11 giz dieg diucaz, baugvat daengx yienh 9 aen yangh (cin). Moix giz diucazdenj aeu gij yaem Vahcuengh dangdieg 4 boux gangj haenx, doengh-boux ciepsouh diucaz faenbied dwg 2 boux bouxsa, 2 boux mehmbwk, doenghboux neix gangj Vahcuengh dangdieg gig bienz caemhcai nienzgeij ndaej 17 daengz 45 bi. Sam dwg guh hong haeuj dieg diucaz aeu yaem. 6 daengz 9 nyied, haeuj gizdieg bae diucaz loegyaem, ingj siengq nem

loegyaem bouxfatyaem doeg sawcih, sawloih, yijfaz, gojgaeq dingh gangj, gag gangjah daengj. Seiq dwg cingjeix gyagoeng. 10 nyied, cingjeix loegyaem, cobouh genj, guh gvanghbanz. Haj dwg bienguh doz fanghyenz Vahcuengh. 11 nyied, faencek gij soqgawq fanghyenz Vahcuengh, liuxle guh doz fanghyenz Vahcuengh cei moq haenx. Roek dwg laebguh yijyinh sugigu. 12 nyied, laebguh fanghyenz Vahcuengh yijyinh sugigu, vih sevi daezhawj yijyenz swhyenz. (Vangz Cujcinh)

SIUSIK DINJ

简讯

● Ciuq Swcigih Nungzyez Dingh ngamq dungigi: bi' gvaq gih raeuz dajndaem byaek seizdoeng nem seizcou engq vaiq, daengx bi ndaem byaek seizdoeng nem seizcou 1111.95 fanh moux, doengzbeij demlai 74.34 fanh moux.

(Danz Gajhinh)

● Duenh neix, Gveibingz Si okmoq senhconz lijnen, hingzsi, caidij, doenggvaq Heiqmoegyau, Yezgiz, Fwen Yauzcuz daengj vwnzyi minzcu conzdungj, guh-angq youh senhconz, hawj vunz lai yungzheih roxyiuj dangj Cibbet Daih cingsaenz, neix baenz aen si neix senhconz dangj Cibbet Daih cingsaenz diemjrongh he.

(Yenj Cwngcaiz)

● Gaenh bi daej, Yungzsuij Myauzcuz Swciyen Minzcu Cunghyoz doihengz "dijyuz yisuz 2+1", couhdwg hagseng youq yozyau hagsib geizgan yaek gaemdawz 2 hangh dijyuz nem hangh vwnzyi dwzcangz he, mboujduenh daezsang hagseng cunghab suciz.

(Gungh Siengzyouj)

● Geij ngoenz gonq, Hocouh Si Bingzgvei Gvanlij Gih Ngoz-dangz Cin mbanj Bouxcuengh—Luzgangj Cunh ndaej senj haeuj daih'it buek "Cungguek mbanj conzdungj" mingzloeg.

(Vangz Ligenh)

● Bi' gvaq, Cungzcoj Si cibgeij aen minzcu maui nem canjbinj giyez gungh ndaej youhvei daigvanj diepsik 1295.82 fanh maenz, doengzbeij demhwnj 9.25%, neix sawj dangdieg minzcu gingh-ci fazcanj ndaej engq vaiq.

(Lingz Yungjsiengz Luz Gunh)

● Daengz dangqna, Bingzgoj Yen Sinhanh Cin 18 aen hingzcwngcunh guhsat "it saeh it lwnh" hanghmoeg 49 aen, gak gaep cwngfuj roengz cienzngaenz caiz-cwng ciengjbouj 3199975 maenz, 41290 vunz souh'ik.

(Vangz Cinhhooz)

Lanz Denhliz Fucujsiz Daeuj Yawj Swcigih Minzvej, Minzyijvej Ganbu Cizgungh

蓝天立副主席看望自治区民委、民语委干部职工



Bonjbau siusik (gicej Veiz Yennaz) 2 nyied 19 hauh laj-byonghgoenz, Swcigih fucujsiz Lanz Denhliz daej daengz Swcigih Minzvej, Minzyijvej yawj gyoengq ganbu cizgungh, de lij daihyauj Swcigih Yinz-minz Cwngfuj hohfuk daihgya bi moq ndang cangq hong swnh, vunz ranz vuenyungz. Ndaw doz dwg Lanz Denhliz (boux baihgva) dingq Swcigih Minzvej, Minzyijvej cujyin Luz Yenbenj (baiz baihnaj baihgva boux daih-ngeih) gaisau cingz-gvang.

Denzyangz: Bi' gvaq Minzswngh Gunghcwngz Hawj 30 Lai Fanh Minzcu Gincung Souh'ik

田阳:去年30多万民族群众受益民生工程

Bi' gvaq, Denzyangz Yen daihlig saedhengz "minzswngh gunghcwngz", hawj 30 lai fanh minzcu gincung youq gyauyuz, ciuyez, yihbauj daengj fuengmienh ndaej souh'ik.

Saedhengz gyauyuz gunghgenh gunghcwngz, hawj "siengj hag miz son" hwnjguh bingzdaiz moq. Gungh roengz 5535.7 fanh maenz, gensez ranz hagdangz ancienz gunghcwngz hanghmoeg, yivu gyauyuz gaihdon cienzngaenz bangbouj vunz lai yung, "hagseng yingzyangj gajnde giva"

sawqdiemj gunghcoz daengj, 2 fanh lai hagseng souh'ik.

Saedhengz lauzdung gisuz beizyin gunghcwngz, vih "guh hong ndaej gwn" gaq hwnj giuz lienzim. Gungh cujciz ciuyez ginwngz beizyin 3719 vunz, daengx yienh ndawsingz demgya ciuyez vunzsoq 2086 vunz, hawj lajmbanj gij lauzdungliz lw haenx ndaej ciuyez demlai 6183 vunz.

Saedhengz ndawsingz lajmbanj yihliuz hawj vunz lai souh'ik gungh-

cwngz, vih "bingh miz giz yw" daezhawj nemndang fuzvu. Dangqna, aen yienh neix doenghboux cizgungh nem bouxyouq ndawsingz camgya gihbwnj yihliuz baujyenj haenx 38054 vunz, doenghboux nungzminz camgya sinh nungzhoz baujyenj haenx 280950 vunz, daengx yienh sinh nungzhoz gihginh ceiok 8500 lai fanh maenz, nungzminz miz 253907 vunzbaez souh'ik.

(Vangz Lenzyangh)